




Deberiëda



Idiom: Gherdëina

La mans possa fé dl mel y dl bën,
desdrù y fé su, saludé y maledì.
Les possa sené, sië y sejelé,
l'erces mplenì per avëi l pan uni di.

Ref.: Per viver deberieda
sun chësc mond
dajonse la man, la man.

Idie la mans à crià cun si ulentà,
n'ana da dedò, ciel y tiera leprò.
La mans possa fé n grum de muvimënc,
cun devertimënt per fé l popul cuntënt.

Ref.

Les nes mostra marueies y belëzes
per nia desmincë, nsci dëssel resté.
Canche mancia la paroles nes fejeles capì,
sce te ruves tl scur
te judeles a abiné la streda segur.